



BErtholdus insigni eruditiōe & pietate fuit præ-
 ditus. itaq; Hildesheimensis Ecclesiæ præposi-
 tus factus fuit. Postea uerò cū eius loci antistes esset
 mortuus, omnium consensu uicesimus Episcopus
 electus est. In eo officio orando & legendo semper
 sese exercuit, & in usum posteritatis plurimos li-
 bros conscripsit, atq; religionem Christianam uera
 doctrina & pio exemplo egregiè auxit. Cum autē
 moniales eo tempore uagarentur, atq; passim ma-
 le audire inciperent, ipse in sua ditione eorum mo-
 nasteria clausit, atq; exitu ipsis interdixit, ne ulla ip-
 sis occasio ad libidinem dari possit. Id quod etiam
 reliqui Episcopi postea secuti sunt. Cum hoc mo-
 do circa annum Domini millesimum centesimum tricesimum piè uiueret,
 tandem uitam cum officio reliquit, & in sua Ecclesia sepultus quie-
 scit, Anon. Crantz.